

# **I OSNOVNI PODACI O DROGAMA**

## **1. METODOLOGIJA ISTRAŽIVANJA**

### **1.1. Predmet istraživanja**

Predmet istraživanja u radu predstavlja centralno pitanje cjelokupnog rada, odnosno određenje sadržaja i strukture rada.

Iz samog naslova tj. teme rad proističe i određenje predmeta rada. Uzroci i posljedice zloupotrebe droga odražavaju četiri ključna pojma i to:

- Uzroci, Posljedice, Zloupotreba, Droge

Navedene pojmove i pitanja je potrebno u okviru rada detaljno razraditi, analizirati, istraživati. Na osnovu svih metodoloških postupaka u istraživanju, na kraju će se moći proizvesti kvalitetan zaključak o predmetu istraživanja. Svaki od ovih pojmova u kriminološkoj i srodnim naukama ima dosta jasno određenje. Isto se definiše kao terminološki, etimološki tako i funkcionalni pojam i dimenzija. Određenje može biti odvojeno tj. nezavisno, ali češće kao međuzavisnost sa drugim srodnim pojmovima, terminima koji u okviru srodnih nauka (krivično pravo, kriminalistika, viktimologija, psihologija i sl., proizvode novi kvalitet, određenje.

### **1.2. Cilj istraživanja**

Cilj istraživanja u okviru rada ima prevashodno teorijsko ovladavanje materijom u vezi problematike opojnih droga. Cilj svih, pa i ovog istraživanja može biti teorijske i praktične prirode. Cilj predmetnog istraživanja se planira ostariti u svrhu sažimanja znanja u okviru dodiplomskih pravnih studija. Praktični cilj se sastoji u dostizanju i ovladavanju znanjem u praktičnoj primjeni stečenih znanja u okviru teorijskog rada po predmetnoj temi.

### **1.3. Hipoteze**

Određenjem hipoteze u istraživanju želi se problematizovati istraživački problem kroz primjenu adekvatne metodologije istraživanja. U tome smislu će se analizirati kroz detaljan hipotetički sadržaj cjelokupna materija, a onda će se sintetizovati kao novi kvalitativni proizvod. Na takav način daće se potreban odgovor na postavljene hipoteze u pozitivnoj ili negativnosti dimenziji predmetne pojave.

#### **a) Glavna hipoteza**

***„UZROCI I POSLJEDICE ZLOUPOTREBE DROGA SU U STALNOM  
KAUZALITETU – MEĐUZAVISNOSTI“***

#### **b) Pomoćne hipoteze**

- Maloljetnici su češće žrtve zloupotrebe droga
- Lica se opredjeljuju za uzimanje droga često iz radoznalosti, što kasnije postaje vrlo čvrsta odluka
- Uticaj porodice je odlučujući faktor na ponašanje djeteta u vezi sa problemom narkomanije
- Posljedice zloupotrebe droga se manifestuju na psihičko i fizičko zdravlje, ponašanje lica
- Najbolji oblik borbe protiv zloupotrebe droga je efikasan sistem prevencije, kroz blagovremeno lociranje uzroka i nosilaca ove opake i društveno štetne pojave

### **1.4. Metode istraživanja**

U okviru predmetnog istraživanja koristiće se istraživačke metode i tehnike koje su najprihvatljivije za oblast kriminoloških nauka. Kako rad ima diplomski zahtjev, neke od metoda će se koristiti samo u domenu potrebe rada. Najprimjenjivije istraživačke metode i tehnike su: statistička metoda, analiza sadržaja, istorijska metoda, komparativna metoda, studija slučaja.

### **1.5. Analiza rezultata istraživanja**

Rezultati istraživanja će se analizirati kroz cjelokupnu obradu rada, a posebno kroz iznošenje relevantnih zaključaka u radu. Na taj način će se istraživački rezultati nastojati integrisati u samom radu, čime će sadržina odgovarati teorijskim i praktičnih ciljevima rada.